



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 4. An Sponsalia de futuro solvantur per subsequens votum religionis ingrediendæ?

[urn:nbn:de:hbz:466:1-73058](#)

²³⁹ Nec obstat textus in c. *Commissum*. 1. quia Pontifex non negat, illum licet posse ingredi, non contracto prius matrimonio; sed solum dicit, *tutius esse*, prius contrahere, ac postea ingredi, quod est solum consilii, ut expressè docet Sanchez cit. D. 43. n. 3. Barbola in cit. c. *Commissum* n. 2. & commonis. Accedit, aliquos non immerito existimare, ideo Pontificem in hoc casu consuluisse, ut prius contrahat; quia ille juvenis non dum firmiter de religionis ingressu statuerat, vel votum super hoc emiserat; ut pat. ex textu, ibi: *postea, si elegit religionem, & ad eam sufficeret*; quo casu sine dubio tutius erat, juramentum in vigore perflans implete, quam cum non debita deliberatione ingredi religionem; ita Covarr. Sanch. & alii, quos citat, & sequitur Castropal. *de sponsal. D. 1. p. 18. n. 6.* Nec obstat, ibi dici: *privata lege duabus*; nam hoc non indicat *votum*, sed internum quendam instinctum, quoad religionem ducebatur.

²⁴⁰ Dices: qui juravit solvere usuras, tenetur prius eas solvere solutione saltem momentanea, licet deinde illas possit repetere; ut dicitur in c. *Debitores*. 6. de *Jure* *jurando*: ergo qui juravit contrahere matrimonium, tenetur prius id contrahere, licet deinde illud possit dissolvere, religionis ingressu cum effectu. Resp. N. conseq. quia matrimonium in illo casu non habet eam tacitam conditionem, quam habet juramentum Sponsalibus appossum, ut dictum est n. 238. quod etiam responderetur ad similes priori casu obligationis juratae, quibus non subest tacita conditio, qua subest juratis Sponsalibus. Accedit, quod (efto in dato casu juramentum teneret) adhuc licet religione ingredieretur non contracto prius matrimonio. Nam qui juramentum in melius committat, non videtur illud infringere c. *Scriptura* 4. de *Voto*, ibi: *Reus voti facti aliquatenus non habetur*, qui temporale obsequium in perpetuum noscitur religionis observantiam commutare. Melius autem est per se loquendo, religionem ingredi, quam matrimonium, ut dicitur c. *Nuptiarum* 27. q. 1. imò videtur etiam expedientius respectu sponsae. Nam si prius illam duceret, ac deinde religionem proferetur, illa teneretur innupta remanere, quam diu Vir est in probatio-

Tom. IV.

§. 4.

An Sponsalia de futuro solvantur per subsequens votum religionis ingrediende?

Resp. quod triple quæstio fieri possit, 241. an Sponsalia, quæ præcesserunt emissio nem illius voti, solvantur, 1. ex parte alterius non voventis? 2. an etiam ex parte voventis? 3. an is, qui tale votum emisit, non contracto prius matrimonio licet possit ingredi Religionem? Ad 1. responso est affirmativa; quia talis meritum præsumitur alteri remittere obligatio nem; cum imponat sibi onus voti non compatibilis cum Sponsaliū adimpletio ne, qua sit contracto matrimonio. Nam vel voveret ingressum religionis post contractum, sed non consummatum matrimonium, hujus voti conscientia, vel insciā sponsa? vel voveret ingressum religionis, faciendum ante contractum matrimonium? si primum, nimurum, *insciā sponsa*, votum illud probabilius non valet, ex dictis à n. 48. si conscientia & consentiente sponsa, meritum hæc præsumet, sibi remitti contractam obligationem, nisi aliud convernerit super exspectando, ut colligitur ex dict. de ipso ingressu in religionem, antequam facta sit professio, præfertim, cum obligatio talis voti posterior sit Sponsalibus, purè contractis; si autem dicatur secundum, nimurum, quod votum fiat de ingredienda religione, non contracto matrimonio? votum erit in præjudicium sponsa hujus ignorare.

Ad 2. Resp. videri probabilius, eo visto ex parte voventis non dissolvi Sponsalia prius contracta, priusquam fiat ingressus cum effectu fecuta professionis. Nam per Sponsalia prius contracta cuilibet Sponsorum natum est jus exigendi, quod pro-

missum,

mistum, dum hoc præstari potest; sed non obstante tali voto, à voente præstari potest alteri promissum matrimonium, saltem pro casu, quo facto ingressu non sequeretur professio, vel Religione illum non recipiente; vel Novitio justa de causa recusante; ergo alteri adhuc maneret tunc ab ipso debitum promissum matrimonium; consequenter ex hujus parte Sponsalia non sunt dissoluta.

243. Ad 3. Resp. de hac questione ab Episcopo Brixinensi consuetum Alexandrum III. sic scripsisse, ut habetur in c. Ex publico. 7. de Convers. Conjugator: ex publico instrumento nobis innoruit, quod, cum Veronen. Episcopus causam matrimonii, quæ inter A. Viruin, & M. mulierem vertebarat, suscepisset terminandum, judiciali sententiâ matrimonium approbavit, & eidem mulieri præcepit, ut ad Virum rediens exhiberer eidem conjugalem affectionem; quod, cum renueret, fuit vinculo excommunicationis adstricta. Ceterum, quia, licet à prefato viro desponsata fuit: adhuc tamen (sicut asserit) ab ipso est incognita, mandamus, quatenus, si praeditus Vir ipsam carnaliter non cognoverit, & eadem ad religionem transire voluerit, recepta ab ea sufficienti cautione, quod vel ad religionem transire, vel ad Virum suum, redire intra duorum mensum spatium debat, ipsam à sententia, quâ tenet, absolvat, ita, quod, si ad religionem transierit, uterque restituat alteri, quod ab eo noscitur recipisse.

244. Ex hoc enim textu colligitur. 1. quod sponsa de praesenti nondum cognita, possit Religionem ingredi, eâ tamen lege ac cautione præstirâ, ut vel ad religionem transeat, vel intra spatum duorum mensium ad Virum suum revertatur. Nam ultra hunc terminum nullus conjugum, quando matrimonium est ratum tantum, tenetur exspectare alterius voluntatem, quoad jus liberè transeundi ad Religionem. 2. in casu, quo unus ejusmodi conjugum transiret ad Religionem, uterque restituat alteri, quod ab eo noscitur acceptisse. 3. quod uno Sponsorum Religionis habitum assumente (nimurum cum effectu professionis secutæ) alter ad alia vota licentiam habeat transeundi, ut notatur in dict. c. Ex publico, lit. I.

Major questio est, an. per votum reli- 245. gionis ingredienda, solvantur Sponsalia de futuro, prius legitimè contracta, & spe promissi matrimonii consummata? Resp. 1. non solvi ex parte illius, qui sponsam defloravit, ubi Tridentinum irritans matrimonia simpliciter clandestina non est publicatum, & usu receptum. Nam tale votum non habet vim solvendi matrimonium validum; at Sponsalia de futuro legitimè contracta, securâ inter Sponsos copu à carnali, sunt matrimonium validum (ubi non viget citatum decretum Trid. c. Veniens. 15. de spons. ibi: mandamus, quatenus, si inveneris, quod primus post fidem præstâ cognoverit, cum ea facias remanere, licet postea sponsalia cum alia contraxerit per verba de presenti, &c. Is, qui 30. eod. ibi: Is, qui fidem dedit mulieri super matrimonio contrahendo, carnali copula subserviat, et si in facie Ecclesiae ducat alia, & cognoscat, ad primam redire tenetur. Ex hoc enim textu sequitur, ubi decretum Tridentini matrimonia simpliciter clandestina irritant, non est publicatum, & usu receptum, etiam hodie Sponsalia de futuro transire in matrimonium securâ carnali copula inter Sponsos, ut constat est cit. c. 15. n. 30. quamvis tale matrimonium folium sit matrimonium presumptum, sed præsumptione juris de jure, nimurum adeo forti, ut contra illam non sit probatio admittenda, & nec verum, ne caliquid censetur matrimonium, quod de facto est postmodum subsecutum, ut aperte habetur in c. 30. cit. quod intellige pro foro externo; nam in foro conscientie perpetrat veritas, ubi constat de falsitate præsumptionis, cuius probatio in hoc foro non rejicitur.

Resp. 2. in loco, ubi matrimonia præsumpta, de dato consenu, non habent locum, per subsequens votum ingredienda religionis, Sponsalia de futuro legitimè contracta non dissolvi, ex parte illius, qui mulierem spe securi matrimonii defloravit, nisi prius deflorata satisfactio præstetur. Nam tunc, promissio ingressus in Religionem, fieret in grave præjudicium deflorata; consequenter in ea circumstantia ingressus foret illicitus; & missio ejus de re illicita; adeoque nec tenet, nec Sponsalia solvit. Et hoc verum esse vult Pithing n. 54. de Sponsalibus, etiam

etiam si copula tunc non sit vel consummata, vel secura; sed tantum gravis iactura famæ.

²⁴⁷ Quæstio est. 2. an Sponsalia de futuro, post emissum votum ingredienda religiosis contracta, & sp̄e futuri matrimonii consummata, solvantur eo voto antecedenti dissolutione impidente vinculum Sponsalium subsequentium? Resp. affirmativè; nam ea Sponsalia, votum legitimè factum subsecuta, continent promissionem rei illicitæ contra voti obligatiōnem; si dicas: ergo vovens, in tali casu, tenebitur implere votum? Resp. quod P. Sanchez l. 1. D. 45. bīc n. 3. c. 5. doceat, voventem, in dato casu, teneri corruptam ducere, si hæc voti ignara fuit; & votum, prius emissum, interim suspendi sic, ut eā mortuā votum rursus urgeat; non attētem à vivente, quod tunc votum, rebus notabiliter mutatis, non obliget: & probabilitus omnino est in dato casu mulieris sp̄e matrimonii corruptæ, post emissum ingredienda religiosis votum omnino suspendi, cùm materia voto promissa (propter damnum, quod mulieri ex iustitia in dato casu refaciendum est) notabiliter sit mutata, & nullum votum obliget ad exequendum promissum, quando id fieri non potest sine detrimento alterius, præserit gravi. Voventem autem in dato casu non teneri ad eam determinatè ducendam; sed vel ducendam, si non possit aliter compensare damnum; vel dotandam, si possit, & vult, donatione competente. Quia tunc non est necessitas, seu obligatio adstringens eum determinatè ad matrimonium, ut dictum est in simili, supr.

²⁴⁸ Quæstio est. 3. an quis post jurata Sponsalia de futuro, valeat edere votum, contracto, sed non consummato matrimonio, Religionis ingredienda? Resp. tale votum non valere. 1. propter periculum violandi votum, cui contracto matrimonio se exponit; ideo etim post ejusmodi vota per plures canones cætum est, ne matrimonium contrahatur. Accedit, quod mulieri, post matrimonium contractum relata, plura damna inferrentur, præserit quod, si non perseveret, debeat Virum habere, qui Monachus fuit, & non raro graves contra bonam famam sic deserteræ suspicione in vulgo causet, ut diximus

Tom. IV.

supr. Et ideo talis vovens, in dato casu, non teneretur religionem ingredi; nec licet posset, esto votum valeret, exceptâ necessitate, de qua dicam infra. Quia esto valeret, executionem ejus teneretur suspendere, dum satis cautum sit periculis, quæ contracto prius matrimonio, & secuto ingressu, sequerentur.

Dices. 1. qui juravit Sponsalia, licet ²⁴⁹ potest, non contracto prius matrimonio, religionem ingredi, etiam invitâ Sponsâ: ergo idem potest contracto, sed non consummato matrimonio. Resp. N. conseq. quia in primo casu non sunt annexa illa Sponsæ damna, & violandi voti pericula jure vetita, quia in secundo, *supposito voto*. Nam in primo casu non adesset periculum violandi votum, quod fit contracto matrimonio; nec mulier à religione reversum ad seculum, teneretur habere in matrimonium.

Deinde, dupliciter fieri potest, quod quis post jurata Sponsalia, prius contracto, & non consummato matrimonio, Religionem ingrediatur, etiam non supposito votō, nimurum, si prius contrahat, sed firmo animo non consummato matrimonio ingrediendi religionem; vel sine tali animo. Primum pariter censet illiscitum P. Sanchez cit. l. 1. D. 43. n. 12. etiam in casu, quo Sponsalia jurans nullo voto ad inträndam religionem ligatus est; eò quod talis contractus trahat secum injuriam, ac deceptionem alterius, & se ad id alliget, quod implere nullo modo intendit, sed positivè negare; quæ est magna illusio alterius, & quidem scienter intenta; quod non sequitur in casu, quo quis sine tali matrimonio contracto, sed non consummato, Religionem eligit.

Dices. 2. quod quis post jurata Sponsalia licet faciet, etiam voto promittere potest; sed post jurata Sponsalia, jurans potest licet contracto prius matrimonio, sed non consummato, religionem eligere; ergo idem post jurata Sponsalia vovere. Resp. majorem in multis fallere. Nam eo casu licet potest eligere minus bonum, quin id validè voveat, ut alias dictum est. Major etiam fallit in casu, quo contraheret animo, contracto, & non consummato matrimonio, statim convolandi ad religionem, ut dictum est n^o 48: Denique quando materia voto promissa

I 2

vesti-

vestitur circumstantia, ratione cuius evadit malum agere, quod secluso voto malum non est, non recte voretur, quod secluso voto licet. Sic conjuges utentes jure thori, licet, si volunt, abstinent à copula; & tamen non recte vorent, non uti copula, in circumstantia, quod simul dormiant, propter periculum violandi votum.

251. Dices. 3. qui post jurata Sponsalia vorvit religionem ingredi, prius contracto, sed non consummato matrimonio, potest utramque obligationem implere; *Sponsalium*, contracto matrimonio; *voti*, non consummato matrimonio religionem intrando: ergo totum validè, ac licet fieri potest. Resp. N. ant. Nam si matrimonium contrahat firmo animo, eo non consummato Religionem ingrediendi, exponit se periculo mutandi animum, & violandi votum, ut dictum est; quod à fortiori contingit, si contrahat sine tali animo, & si ingrediatur, illud Sponsæ promittit, quod statuit *non servare*; & multis mulierum dannis exponit.

252. Dices. 4. jurans in tali casu, utitur jure suo: ergo post jurata Sponsalia potest vorere ingressum religionis, & contracto, non consummato matrimonio, licet religionem ingredi. Resp. non sequi, quod quis non faciat alteri injuriam ex hoc, quia utitur jure suo, ut fusè ostensum est in tract. Theol. de Jure & Just. q. 1. & ideo etiam talis usus illicitus est; præfertim, cùm quis exponit se periculo, per talem usum, violandi aliam eriam obligacioni, v.g. *voti*: at in dato casu talis usus sic fieret, ut dictum est in præmissis: Ergo.

253. Dices. 5. ubi actus ex se non est contra iustitiam, animus, quo fit, nullam irrogat injuriam, sed ingredi Religionem post matrimonium ratum tantum, non est contra iustitiam; ergo nec contrahere eo animo. Confirmatur: quia alias eum, qui sic contraxit, deberemus obligare, ne postea ingrediatur, ut evitet injuriam, quam machinatus est. Resp. verum esse, quod animus, quo fit actus, nullam irrogat injuriam, quando actus ex se non est contra iustitiam; at religionem ingredi post matrimonium eo animo, ut illo non consummato sit ingressus, est ex se iustitia, nisi Sponsæ prius talis animus manifestetur, aut urgeat necessitas sic con-

trahendi; cùm aperè decipiatur Sponsam, & intendat, non servare, quod promittit; ergo tali casu contracto matrimonio, & ingrediendo religionem Sponsæ facit injuriam, saltem latè, quia foret saltem contra charitatem talis deceptio posita, intenta. Hinc omnino suspendenda esset voti obligatio, dum satisiceret parti decepta; ex quo patet ad Confirmationem.

Dixi: *nisi urgeat necessitas, sic contrahendi*. Nam quando, nisi quis contrahat, adeat probabile periculum, aut justus metus de jactura propriæ famæ, aut magni scandali, vel, si non possit alio modo vorum, vel juramentum implere, nisi contracto prius matrimonio (ut si quis teneretur inclusus) habens votum religionis ingrediende cum Sponsalibus juratis, prius contrahere, & matrimonio non consummato votum implere posset, quod mala ceteroquin securitate præponderantia sint iis, quæ seclusa tali necessitate, in casu veti religionis cum jurata Sponsalium obligatione, ex ingressu religionis post matrimonium ratum tantum sequerentur; ita Sanchez. l. 1. b. D. 43. n. 8.

§. 5.

An Sponsalia de futuro dissolvantur per subsequens votum castitatis?

Loquimur. 1. de casu, quo sola Sponsalia concurrunt sine lafione pudoris, famæ. &c. 2. de voto castitatis non constitutive in statu religionis, seu vita cum obligatione, quod requirit, ut votum constitutum, teste. D. Thom. 2. 2. q. 183. a. 1. quibus præmissis. Quæstio est 1. an solvantur ex parte non Voventis. 2. ex parte Voventis? affirmativam pro utroque casu sequitur Tannerus tom. 4. D. 8. q. 1. d. 4. n. 54. sed conterarium tenet Layman. l. 5. tr. 10. p. 1. c. 2. n. 6. his notatis.

Ad. 1. Resp. tali casu Sponsalia solvi ex parte non voventis; quia sic vovents ratè renuntiat obligationi, quâ ipsi renebatur Sponsa; pars non vovents. 2. quia sic in vovente supervenit notabilis mutatio statû perpetuò servandæ continentia, in suppositione voti validè emitti; præterquam, quod tali casu vovens sibi reddiderit